



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

15. maj 2012

J.nr.:

01.31.06/12-00578

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap suliaq nr. 01.31.06/12-00578 pillugu aalajangiineranik Naalakkersuisunut ilisimatitsineq.

**Qorlortorsuarmi erngup nukinganik innaallagissiorfik pillugu
isumaqatigiissitsiniarnermut suliami isumaqatigiissusiorsinnaanissamut
piginnaatitsissuteqarnissaq**

Naalakkersuisut **inassutigaaat,**

- Qorlortorsuarmi erngup nukinganik innaallagissiorfik pillugu aaqqiagiinnigissuteqarnermi kontomi pingaarnermi 89.71.40 Nukissiorfiit, sanaartornermut taarsigassarsiarititat, suliassaq nr. 999.15.001 Erngup nukinganik innaallagissiorfik, Qorlortorsuaq, 57 mio. koruunik annertussuseqartumik isumaqatigiissuteqarnissamut Nukissiorfiit piginnaatinneqassasut.

Aningaasaqarnermut Ataatsimiititaliap oqaaseqaatai

Qorlortorsuami erngup nukinganik innaallagissiorfik pillugu aaqqiagiinniginnermi ilaannakortumik 57 mio. kr.-it tikillugit isumaqatigiissuteqarnissamut Aningaasaqarnermut Ataatsimiititaliamit taparserneqarnissartik Naalakkersuisut qinnutigaaat. Paasisat malillugit ilaannakortumik isumaqatigiissuteqarnissami kisimik pineqarput entreprenørit Nukissiorfinnut piunasaqaatit saqqummiussaasut. Taamaalillutillu Nukissiorfiit entreprenørinut piunasaqaatai suli attatiinneqassasut.

Suliaq assut ajuusaarnartutut Aningaasaqarnermut Ataatsimiititaliamit isigineqarpoq, qinnuteqaatilli allatut ajornartumik akuersissutigisariaqartutut isigalugu.

Tamatuma saniatigut makku apeqqutiginnissaat ataatsimiititaliamit kissaatigineqarpoq:

1. Sanaartugassanut anginerusunut tunngatillugu suliarinninnissamut isumaqatigiissutit inatsisilerinikkut pitsaanerusumik qulakkeerneqartarnissaannik pisariaqartitsinerup isumaliutiginnissaanut suliaq Naalakkersuisunut pissutissaqalersitsiva?
2. Aningaasartuutit ilaat isumaqatigiissuteqarnermut attuumassuteqartut inatsisilerinikkut siunnersortip akisussaanermut sillimasiissutaa aqqutigalugu matuussuserneqarsinnaanerit ilimagineqarsinnaasutut isigineqarpa?
3. Sanaartugassanut anginerusunut atatillugu siunnersuinerup nakkutilliinerullu pitsanngortinnerisigut suliassat taamaattut pinngitsoortinneqarnissaannut Naalakkersuisut qanoq periarfissaqarsoraat?
4. Innaallagissat akianik qaffaanikkut suliamut aningaasartuutit Nunatta Kujataani innaallagissamik atuisunuinnaq tutsinneqarnerat naapertuutinnigitsutut naammaginannigitsutullu ataatsimiititaliamit isigineqarpoq. Ataatsimiititaliap paasinninnera malillugu aningaasartuutit taamatut agguataarisarneq periutsumik taamaallaat, taamaalillunilu allannngortinneqarsinnaasumik aallaaveqarpoq. Taamaattumillu periutsumik tamatuma allannngortinneqarnissaannik ataatsimiititaliap

Naalakkersuisut qinnuigai, taamaaliornikkut suliassani anginerusuni kukkunerit amigaatillu nassatarisaannik aningaasartuutit nammaqatigiilluni avitseqatigiinnikkut innaallagiamik atuisunit tamanit akilerneqartartussanngorlugit. Tamanna Naalakkersuisunit isumaqatigineqarpa?

5. Ataatsimiititaliap aalajangernissaanut isummernissamut tunngavissiami allassimasut eqqaassanngikkaanni suliassat matumatut ittut siunissami pinngitsoortinniarlugit Naalakkersuisut qanoq iliorniarpat?

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**. Aningaasaqarnermut Ataatsimiititaliamit akuersissutigineqarput. Apeqqutinut siuliani allassimasunut Naalakkersuisut akissutaat kalaallisut danskisullu sapinngisamik piaarnerpaamik nassuteqquneqarput assilineqarnerallu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Andreas Uldum
Siulittaasoq

ASSILINERI: Kukkunersiuinermut Ataatsimiititaliaq